

四庫全書

集部

欽定四庫全書

西河集卷一百八十一

翰林院檢討毛奇齡撰

七言律詩八

益都相公招集易園即席奉和原韻二首

侍沐東園載酒過春衣猶着故山蘿
客來語燕梁間靜風定看花水面多
溪淺坐能垂釣餌日長歸恐爛樵柯
朗陵多少門生在欲共將車奈晚何

二

碧柳春深始作花
謝公清興正無涯
瑤盤翠進安胡飯
玉液香分顧渚茶
亭向斷崖迴處補
山因隔水望來賒
蓬池雅會知難再
何必丘中誦有麻

送友之萊蕪

曾共梁園賦子虛
看君仗劍出青徐
東封此日應成頌
北闕何年更上書
驛騎曉過羊祜里
餐秋食范公魚
暇時若向秦臺望
莫羨淄川有計車

何起曹權使燕關

鷄舌香含粉署郎司農官屬日華傍鳴呵初下神霄迥
過鼓絕聞吳會長幕下和衡飛燕雀關前清興對滄浪
南行不厭袁宏放恐有商船詠夕陽

送劉使君任江南提學

儒臣御命出文昌手握靈蛇比夜光公讌有詩稱鄴下
高談名理重丹陽星連斗野純鉤現馬到閭門足練長
但使元和能振俗起衰何止變齊梁

題張舍人攜琴圖

羞將世事較雄雌
白恰飄飄任所之
為訪故人攜綠綺
長留清聽是朱絲
橋邊納履貽書早
海上乘槎探石遲
欲把鬚眉分影幃
紫薇花下幾回思

依韻和姚明府行縣作

出舍郊原雨未晴
尚留芻秣餉南征
兵連久藉均輸計
民在寧無撫字情
花下載書追范甯
桑間聽事想劉平
浦陽江畔春行遍
何處題詩不勒名

重陽後一日奉陪益都夫子游長椿寺兼送家
行九南歸同方象瑛徐嘉炎陳維崧潘耒汪
楫諸同館和夫子首倡原韻即席

重覓黃花到法堂清談未敢效裴王偶隨邛杖來初地
恰送柴車返故鄉午飯伊蒲延供遠秋林落葉聽聲長
詩中談笑當拈示

夫子原倡詩有一談一笑皆
真諦忘我忘人是醉鄉二句

何止琪

皕照四方

二

禪關寂靜淡秋容同向空壇訪舊踪去客欲隨雲外雁

豪吟驚起鉢中龍重陽小日猶堪賞

重九次日良會他名小重陽

年豈易逢勿道遠行無所贈涉江正及採芙蓉

送姜之琦進士還里

南宮試罷聽鳴鳩選入春闈直到秋

是科九月殿試紅格獻書

崇政殿黃花開宴曲江樓同門先後題青雁歸路康莊

跨紫騮縱使蓬瀛身未到故鄉還近鳳麟洲

和寶坻相公甘霖應禱原韻

南郊禱祀撤宮懸五時釐官總告虔雲起不需瘞璧後
雨來剛及易衣前禋昇昊闕馨香合慶溢神倉黍稻堅
始信

聖朝無缺事何煩持鼎問蒼天

魏使君之任建昌

車前八隊引鳴騶世濟三公是列侯

為柏鄉相
公長子

李勉未

經懷北闕陳蕃偏得向南州章山對酒官花曙盱水寨
帷錦浪秋退食稍閒能嘯詠麻姑壇畔有丹丘

車騎將軍世襲三等阿達哈哈番一品夫人楊
母嚴太君壽

當年都護出湟中曾佐平陽建大功玉軸久貽官誥紫
金箱猶貯戰袍紅

前皇賜爵標忠蓋有子為郎以孝通此日高堂方設帨
關西佳氣正龍蔥

喜金通至都復送之赴幕府次其留別諸子原
韻

日控驂驛下直廬重逢梁苑舊相如幾年裘敝驅馳裏
一顧風生咳唾餘天畔鴻飛秋後少宮前柳色晚來疎
研經才子還為幕何處堪移博士書

沈宮詹六十

長隨玉輦侍銅樓併秩南宮位望優天上星辰方六度

雲間詞賦已千秋

宮詹松
江人

蓬書每得

君王顧綺皓曾從太子游莫道承華裁咫尺桂山東望
本滄洲

過上海訪鐸菴遠公不值喜遇曇英和上用張

宏軒壁間韻

汾城何處問阿難行盡橋西舊井桓
午日到門聽磬遠春風吹水隔林寒
閒亭喜見飛花雨高座剛逢渡海瀾
不信衡陽龐處士今來仍作旅人看

答友

天涯轍跡本難同吳會車書一望通
自笑求材虛冀北誰知好友困牆東
公孫未啟平津閣郭隗終開碣石宮

此際相逢能載酒肯教虛度月明中

贈楊僉事歷任

貽贈冊子

高文早已著龍阡幸有雙螭帶露鐫碧檢千秋藏二衽
黃封幾度賁重泉野田春黍烏還哺華表秋風鶴未旋
相對荆門餘一水長因下馬泪潸然

二

紫誥雙馳展孝思竊門重表色絲詞最憐駕鹿之官日

正是椎牛祭墓時百里舊呈丹篆匣五花曾賚白雲司
一從奉使羊城返何限

恩綸下鳳池

先從邑令行取
入刑部皆有贈

李黃門席看白菊

東臺高宴啟朱茵喜見秋花入夜新幾載風行能震世
一庭霜氣尚侵人屏環玉鏡流清影酒入銀盤簇細鱗
自訴曾為彭澤長燈前相對倍相親

何生游贛州和見贈韻

重逢平叔聽清談金水河橋飲正酣
緱劍幾曾彈薊北書船將復上虔南
廬峰當嶽游成六廉水通江合有三
愁煞嶺頭花信隔春來彌望總烟嵐

送彭生之大梁

才子相逢擁敝裘論文高會又經秋
每因擊筑來燕市長是聽鐘在寺樓
銅馬門高迴六翮金堤水溢見雙鉤
相如自有凌雲賦垂老重為梁苑游

平生廷試還里

曾啟公車下早朝看君對策

御河橋筆含殿陞花千疊衣染宮牆柳數條海谷龍歸
暑雨散燕臺馬逐暮雲遙羨君前路秋風起八月應看

江上潮

和倪生見寄原韻

西林木葉下叢壇百尺樓頭雁影寒執卷我方慚李薦
帶經誰得似倪寬吟來秋浦逢詩史寓近秦淮問酒官
相隔十年良會阻思君空寄綵毫端

寧國莊太守

千里分符領上游，彤幃皂蓋古諸侯。
共推莊躋安南服，爭似元暉在北樓。
行縣雨隨宛水暮，褰帷花發敬亭秋。
朝來綵鳳亭邊集，認作鸞書下帝州。

和蕪關權使君作

名曹峻譽重朝班，特簡星車控九關。
計國已成桓氏策，開門長對謝家山。
千秋財賦農錢重，萬里荆吳估舶閒。
著得五千文未半，便看紫氣滿人間。

送徐二十二還蘭亭

十年蘭上久相依，曾向空林講息機。
千乘幾能酬白璧，諸州無復薦黃衣。
棲遲京國仍龍臥，歸去滄江有雁飛。
誰想平泉舊韋楚，到來文酒願俱違。

二

秋盡冥鴻惜羽翰，故人相別在長安。
樽前可念唯官繪，郎官繪以張翰得名闕下難留是伯鸞。
前路斷蓬驚歲晚，還家收稻恰天寒。
獨憐垂老金臺客，長過青門汨未乾。

題同年王編修悼亡詩後

寶瑟初彈別鵠吟，斷釵猶在井桐陰。
病教奉倩分來少，詩到黃門感自深。
月掛幔釘還墜粉，風吹箱管易銷金。
玉堂修史渾閒事，半臂何人贈藁砧。

七夕送陸大學博南歸時大有悼亡之信

共羨平原入洛游，藕花閒值禁城秋。
公車人去雙龍闕，祖席誰登百子樓。
冀北有時誇買駿，河梁何處會牽牛。
送君情似金溝水，多少東西不斷流。

秋日集曾止山寓亭分韻同無休南士

十載相思賴水涯
閒堂何幸共啣卮
秋來江氣含烟早
雨後牆陰下日遲
斫桂燒成香在盞
烹芹挑得碧流匙
多君長在臯橋住
只效梁鴻唱五噫

二

秋雨連雲覆碧幢
座中豪客本無雙
因翻鳬汁燒寒鼎
為看鷄冠傍小牕
新曲早成慚下里
故人移住在平江
慢嫌相對玄言晚
猶有鐘鏞挺未撞

奉送覺羅博問亭歸滿洲和其留別原韻

帝里春光遍海濱還鄉剛及雁鴻羣
關連鐵嶺排青嶂車過蒲河起白雲
險設早知藩衛重離懷多在御橋分
袞衣欲致東歸意素鞞歌來不忍聞

時問亭有
遷葬之役

二

南陽佳氣本綢繆龍種諸孫更出羣
天府坦垂遼左路日華晴見海東雲
元良舊塞三屯合粟末支江五國分
負土餘情如戀闕元王詩句早相聞

四月初八古雲和尚六十生日

大智光明照大千生同刹利梵宮前踏來江草當飛錫
落盡天花似雨錢六甲乍看迴玉歷雙趺猶自捧金蓮
那知迦葉相傳後重見昭王廿四年

待庵明府生日和其自壽原韻

河陽清興自能豪不藉綏山食一桃闕下鳳書春後展
背間烏爪夜來搔綵弧掛向吳天遠素纓操成郢曲高
但使故人能勸酒官齋何處不陶陶

荅杼山千石二上人原韻

每望楞迦迴若神
申江捨筏一相親
空談欲度龐居士
佳句能過休上人
野寺風來皆作雨
客堂花落不知春
廬山載酒應難再
偃蹇終慚步後塵

二

長途擾擾久勞神
幸遇曇摩且自親
布袋豈遺三世佛
祇園常坐二千人
觀心石上應多日
行脚年來不記春
遮莫禪門文字少
嗟君詩句本無塵

喜吳兆騫入塞和徐健庵春坊韻

少為遷客出重關垂老相逢京索間
三篋自能銷壯骨五城何處吊完顏
高文竄後悲零落

聖世恩多許放還誰道混同江
上水南流到海尚潺湲
辛酉臘月奉陪益都夫子長椿寺飯僧說法即
和夫子首倡原韻兼示彌壑和尚

珠林高向帝城開臘月同登說法臺
貝葉繙經龍聽去
天花作供鳥啣來深厨香積維摩饌
小品籤投殷浩才

誰信經冬尋寶樹
杪樞猶是舊時栽

奉和高陽相公春集易園原韻二首

春陰黃鳥弄交交
別館濃花拆露梢
丞相自開新石壁
野人空憶舊書巢
草頭點屐含泥印
柳外移亭接水坳
一自蓬池修禊早
頓令陽氣滿東郊

二

雨後春虹向日交
長林擊馬玉垂梢
臨塘水漲通魚屋
隔葉風翻見鳥巢
謝墅不連朱雀桁
輞川原有白雲坳

只憐抱病追隨晚燈火愁看接遠郊

雪鑑和尚四十

如是於今不可聞八厘長得利人羣攜瓢汲破池中月
賜衲披來嶺上雲八證好叅無上偈三乘總是悟空文
臺前寶鑑光如雪四十年來一見君

南還候益都夫子未得過淄川謁唐豹崑前輩
書此志懷

纔脫衣冠下集賢東行先誦泰山篇敢言客路逾千里

不到師門已四年
巖屋未窺全豹隱
柴車枉費一驢牽
溜河南去無消息
回首般陽思惘然

二

八口船從水次攜
隻身旅病有誰依
百年自命推王管
千里相尋愧呂稽
斗傍中樞瞻未改
堂因志壑望來迷
豹巖所居名志壑堂驛亭多少踟躕處
隔浦銅鑣野店鷄

寄郡守

故園東望每屏營
誰似東揚太守情
連歲只從花下臥

方春曾向雨中行
賓來白恰當前
滿官似青溪徹底清
十載金門猶未返
悔予遲作一塵氓

朱法曹在鎬張州守錫懌徐文學允哲招赴曇

潤師西林社集和允哲韻

上人聲譽過高閑
十里相從丈室間
遂有晴雲開滄瀆
可知勝會重香山
到來人喜逢三益
入坐吾將問八還
載酒莫愁歸路晚
杏花深處是禪關

奉荅兗州司馬李廣寧原韻

使君車載五都珍谷口還尋鄭子真岸幘自稱方外吏
江梅先報隴頭人政分民瘼愁班簪書寄官齋羨等身
時寄所著文集十卷記得南還相憶苦為君長挹甌邊塵

劉琯南歸

曾從淮水託王孫深羨君家好弟昆三樹儘教留玉蘂
萬言仍自上金門春郊馬去天邊埒夏店人歸雨後村
當日東湖同醉處可能詩句壁間存

送陳太士長興廣文

金臺作賦興翩翩又值西廳典教年牀設戴憑新畫席
家餘子敬舊青氍毹鳥山迎向蒼雲外馬帳開當罨畫前
自昔槐堂通內外羨君此去近登仙

北征同徐二咸清途中作

河亭雨後換征裾淮海相逢在道隅洗馬有情堪並轡
買臣無力可將車才高自著幽通賦老去難傳却聘書
偕問同行舊徐樂漢庭對策果何如

贈扈從作二首

詔蹕巡方輦路開詞臣何幸預追陪
江淮日向千旂轉
海國春從萬騎迴
肅仗久知通禁旅
扈游終屬挾天才
欲覘此際橫汾樂
自有星文照上台

二

東巡不止為登封
橐筆猶能賦射熊
郊野瞻天齊望幸
車書此日盡來同
鑾回闕里尊行學
河治宣房喜築宮
幸託屬車真勝事
輜軒何必採皇風

贈田僉事

天南憲府領諸侯曲蓋朱旗擁上游越嶠賢聲推八察
漢朝相業重千秋臺前明鏡當犀燭海外青山見鳳洲
一自都官行部後閒堂長使白雲留

趙比部母太君題旌建坊有贈

婺彩高懸曜紫宸朱門閤閱喜重陳太君名過陶貞烈
有子賢如趙德麟銀榜乍標東第顯金書長啟北堂春
當筵無數鳴珂客同慶花前戲綵人

紫誥初啣下建章鳳毛長傍五雲翔慈闈親獻新裁幘
京闕還留舊養堂矢髦獨憐江草碧旌題高拂海雲黃
臨安萬戶連閭闔從此裴家有賜坊

酬別李漁村同年

久捧銀罍伴集賢開元舊事手同編官貧曾餉瑯琊稻
師在難尋海上船東簋草攜三館外當門柳種十年前
還鄉倘憶山陽鍛敢忘音書寄日邊

漁村饜食皆家鄉
轉粟曾蒙分餉時

予出京門將特訪益
都夫子故三四云

王分司重使越州

重持玉節過江行
比戶歡呼襁負迎
山半尚留元度宅
潮迴再上越王城
訟亭人老棠猶在
官道碑殘蘚自生
當日蛟門題柱處
今來方奏海波平

二

使君赴任似歸鄉
况復江東引領長
珠為再還逢孟氏
花從前度識劉郎
攀車烏雀棲還起
臥轍兒童長未忘
長上聲
獨笑他時跋扈者
蓬萊何處問滄桑

漫興

平明騎馬度金川
右掖門高霄漢連
曉雨荷香流太液
秋晴花氣接甘泉
搖環馬度疑天上
捧詔人來自日邊
徙倚承明休厭處
東甌方值用兵年

西林社集分韻得青字

西林高會勝蘭亭
花滿禪關畫不扃
露席坐當天際白
春衫換入竹中青
馬從支遁迴金埒
人共陶潛倒玉鐙
落日申江相對晚
十年空憶在滄溟

上巳雨中陪益都夫子修禊萬柳堂奉和夫子

原韻

上巳名園景物幽同來何必共羊求
花繁故向煙中見柳弱偏宜雨後遊
濕鳥弄衣低復起晴魚吹沫去還留
臨流不用浮杯下碧釀沉沉滿綠洲

二

年年此地靜傳觴恍詠春風侍一堂
談勝彩霞翻絕壁坐看密雨過方塘
琤盤帶絮抄雲子蠟屐和泥渡石梁

隔岸空亭人坐處居然有閣似熊湘

送朱徵君歸雲間

吳中佳士著單衣正及歸時白露微斗下三能長北轉
華亭一鶴且南飛關連曉樹烟常早湖偃秋荷花漸稀
到得故園收潦盡階前無恙釣魚磯

二

西風擲葉下蘆溝老去依然展蒨緌洛下競傳新月旦
篋中猶載舊陽秋店通古寺尋前宿路入平江訪昔游

帝里風光仍有待孟亭初築漫淹留

贈吳禹定瑞安教諭

延陵才子建安名齋閣還留治事情
賜席孰能逾戴德傳經早已重匡衡
水從雁蕩分池碧雲起仙巖到座清
聞道安陽塞藻去至今尚有魯諸生

奉答吳寶崖見贈原韻

苦憶才名十載餘千秋相訂豈成虛
燈前擬註延陵傳時寶崖為其
尊人索墓狀篋底難忘季重書
秋到兩湖迴客棹夜來

一榻對吾廬丹崖收盡人間寶瓊圃瑤林那得如

贈沈廣文

吳興譽望在人間暫借槐堂啟素旃深夜月明題八詠
清池藻影動三鱣譚經尚繫桓榮紱貫酒曾無司業錢
自是文章冰鑑在當堦玉筍正芊綿

贈天童曉公和韻倣長慶體

金粟山頭早化身杯浮千里渡來新傳心自許終歸漢
譯字何須更入秦海上逢師俱在客座中念佛是何人

可憐不識東山路
花落花開幾度春

二

紫衣宣賜好披身
山澤驚看禮數新

聖德早能容道信
辯才原不類蘓秦
經函入寺還馱馬
海岸橫梁且渡人
莫道相從揮塵晚
到來何地不生春

依韻荅周副使體觀吳門舟次見贈

時將赴武昌軍前

昔年曾過分巡幕
西上洪州與吉州
今日再逢吳下路
可憐江月送江舟
從軍不減周南郡
佳句長吟宋子侯

此去戈船春正發武昌楊柳漫淹留

酬別錢中諧進士和韻有感

客裏梅花開較遲臨行猶喜誦君詩
伯喈自足稱才逸李廣何須嘆數奇
書有藜吹傳永夜衣邊柳汁想當時
寒風歲暮平江棹欲別吳興思復思

池陽官署初成索詠

池陽官舍傍林柯書卷閒開鳥雀過
時見彩雲生渭北春來花樹滿涇河
吏緘印匣移文減客踞繩牀高論多

千尺露盤長在望
漑成魚釜近如何

宋比部分巡通永

神京左臂迤藩封
喜拜天書出九重
按日旌門開鉅鹿
當時節度重盧龍
帷褰潞水波光遠
版入灤田花氣濃
咫尺題詩肯相望
中雙闕對芙蓉

同姜京兆戲賦空梁落燕泥句七字限韻

紅襟烏帔慢相竿
曾住盧家玳瑁梁
壘破不因文杏改
泥殘猶帶落花香
紅閨有婿愁難返
翠羽鄕雛認未忘

不識涎涎掠尾去可攜書信到遼陽

西河集卷一百八十一

欽定四庫全書

西河集卷一百八十二

翰林院檢討毛奇齡撰

七言律詩

九

集劉選郎始恢新宅同李中允鎧丘檢討象隨
李侍講澄中黃徵士虞稷即席

永夜閒堂對曲卮
蕭疎院落喜初移
譚深不覺圍壚暖
炙美翻嫌下筯遲
透壁暗風搖短燭
開簾積雪滿高枝

醉來靜聽官街鼓猶似閭園酒散時

曾客淮陰赴選郎
閭園之集見七古

卷

題石城蔣生西郊汎雪卷子
和原倡寒字

同雲初度石城端載酒城西興未闌
幾點雁鴻塗去白
一船風雪載來寒
平臺舊友工詞賦
斷岸何人把釣竿
我亦剡川迴棹者
今來同作畫圖看

田將軍遷撫軍中軍

高牙飛隼接雙旂
橫海樓船總不如
草檄未投几上筆

登城還却箭頭書分營舊將調金勒開府新衙下玉除
此際東南饒羽檄漢庭方召李輕車

二

水犀戈甲滿錢唐尚有中丞新拜黃嚴助儘教開粵徼
田家原自鎮河陽三推幕府中權貴萬里戈船下瀨長
在昔請纓同有志相逢執策敢相忘

德州渡河和徐仲山韻

曉發平原雞未號平明渡馬德州壕天啣白氣東開早

水接黃河北去高霧裏旌竿搖客騎風前鉦鼓動官舸
當年戎馬經臨地欲勒遺聞惜佩刀

二

客館分燈瀉碧波遙看屋角墜星河關長草短知秋盡
水急風高奈渡何酤酒驛邊留訊晚題詩馬上寄懷多
嚴城晝閉烽臺熄愁見平船載駱駝

宿繆氏園同姜京兆作

因瞻通德過金閭暫憩雙泉舊草堂地勝謝安江上墅

人來裴令午橋庄畫廊山半迴花塢紅岫烟深接野塘
夜靜市門堪貰酒不教明月負清觴

送使之大梁

花幕初開藕葉紅離亭貰酒近新豐征車曉度燕南路
使旆時迴宋故宮越境有人迎郭伋同時入蜀想文翁
時蜀新間有夷門千古堪憑吊只在繁臺一望中
同被使命者

白下遇吳山濤明府見贈有答

江城十月早梅開把臂同登江上臺落日烏裘寒未徹

清秋黃葉下堪哀
西州路下停鞭過
東冶亭前看劍回
十載追陪題和晚
登臨須借大夫才

二

長干精舍倚山屏
邂逅重逢舊典刑
望去石頭餘逝水
坐當木末最高亭
劇嫌客路迴冬景
須信郎官是歲星
白下相從應盡醉
暮鴉啼處不堪聽

答喬侍讀同年贈別原韻有感

齊門操瑟總難工
誰復相要到上宮
史蹟未經窺五志

官淹從此笑三同懷人望逐烟波起羨爾名垂奏記中
侍讀以河患
奏對著名 幾欲還鄉難遽別長帆不敢掛相風

二

舊院疎籬待手編乞身書上賜幙前不疑同舍脂車日
竟及東宮出閣年
時三月
子出閣讀書 皇太 江令賦情饒綠水王

維別業在藍田致身通顯尋常事切莫窮愁擬問天

贈余生

高秋官舍井桐陰把袂逢君愜素心千里客游真意氣

十年宦跡已浮沉
湘中種黍還收玉
門下搜材愧揀金

生廷試係予闕卷舊
例貢士試門下省

當日北山同臥者
緣牆石笋看成

林

寄江南觀察金君

登車攬轡久澄清
觀察江南舊有名
開幕不離芳樂苑
全家只在石頭城
簾邊海氣穿雲起
樹裏江潮拂岸生
只為

聖朝刑措近故教
名伯早持衡

馮相公師歸後蒙寄詩問訊奉和來韻

每從朝罷聽鳴鞭長頌康熙相國賢
一自日星回海岱頓令桃李失芳妍
鴻飛未敢邀公覲絃細何堪受目憐
但訪東山黃綺去莫教人誦採芝篇

二

愛慕人皆願執鞭况逢致政是韋賢
北山猿鶴看無恙東洞薔薇開自妍
太傅金為留客計右丞詩重想夫憐
誰知治水漁舟發便寄湘中欸乃篇

公時住冶湖來詩有裁將欸乃答鴻

篇之句

姚監郡沈考功同過草堂有贈賦答

黃公壚下酒初紅拾得溪魚在釣筒
方外謝生真曠達座間裴楷總清通
因尋高會乘良日每度玄言見緒風
異地相逢殊不易莫教轉眼嘆秋蓬

集宗藩博公恭壽堂同徐翰林王博士即席

掖門高啟日華居迢遞春風到綺疎
素葢幸隨公子宴朱函親授獻王書
簾間五木燒金鼎庭下雙槐映玉除

抽牘自憐陪乘晚敢言詞賦比應徐

奉謁陳中丞邸第有作

橫江開幕擁霜鐔鑒物常如海鏡涵千里河山歸帶礪
幾年烽火靖東南迴看闕下翔威鳳暫偕平泉解素驂
聖主自能勤拊髀不勞風雨發金函

二

杖節巖邦賜錦貂河東兵革已全消陳蕃何幸推寒士
孔閨深慚薦

聖朝探簡雲封神禹穴開轅晴射浙江潮東山終慰蒼
生望忝谷盤龍未可招

御試畢荅楊吏部見詢時予方病臂未愈

詔策羣才集體仁

御試時賜宴
體仁閣下

共稱

聖主得賢臣殿前已幸瞻天日腕下其如有鬼神對就
強顏隨谷永詩成脫手遜王筠試思左臂書空者可是
東堂折桂人

奉別梁司馬夫子敬和所贈原韻

只合南山詠敝廬十年空復侍

宸居難忘柳下重開鍛但立蕉林為受書

師所居名蕉林書屋 鍛

羽每慙東觀鶴歸心如趁北溟魚春風一路吹行棹尚有檣雲轉覆予

二

綠水初開白鱧舟

主恩師誼總難酬登朝誰似韓忠彥故里難尋馬少游
文以漫成嘗受侮宦當拙退最為優獨憐衛尉方還洛

早有青城泣墮樓

時曼殊已亡師詩有半載
哀輝中夜泪之句故及之

盧中丞太夫人壽

北堂護樹映霞裾
斗轉蒼龍絳綵輿
海賦成天上曲
金函時啟帳中書
羹遺賜食觀浮鯉
舞進朝衫散佩魚
自是母儀堪範世
何須氏族問崔盧

依韻和龐雪崖年兄送別

集賢院後肯重過
欲別燕關且放歌
執戟不須隨曼倩
垂綸好去問詹何
晴攀柳色分衣碧
醉看桃花映面酡

此去相思何處是鑑湖春盡水微波

荅張公子永岳見贈原韻時新膺監簿之選

幾度乘槎到海邊
羨君神似藐姑仙
探書不出三江水
對酒剛逢二月天
京邑有懷同謝監
郎官初起繼韋賢
春來貽我新詩好
彷彿梅花隴上傳

二

澄江千頃滄城邊
纔與同舟便是仙
驚道雄文能蓋世
誰知張姓本連天
四門書在堪供職
九嘆篇中為惜賢

取次黃花開帝里看君早晚好乘傳

重過上海縣署寄徐西崖即用其所詒來韻

為憶高陽舊酒徒重來清興未全孤
蛟龍日出橫滄海橘柚烟深過太湖
官舍彈琴依子賤人間著論有潛夫
望中咫尺衡門近尚未相尋到荻蘆

簡青浦錢徵士

清秋烏鵲噪東陵上國賢書喜四徵
江國文章推薛浦湘靈詩句重吳興
殿前應詔誰堪擅車下追鋒我未能

當日高軒相過後懷君時望海雲蒸

馮紫燦新遷禮部

賜席成均舊所聞百年秩叙喜推君祠曹賴有劉原父
學行誰如馮仲文人入冰廳衣共潔花開春署坐來芬
聖朝方議東封禮勒石應看海上雲

贈吳二明府

芙蓉初發映秋波喜見堯山一鶴過駿馬空臺行處近
龍門佳士集來多賜書原欲徵韋抗製錦從教勝尹何

遮莫千言時出宿帝城風月豈蹉跎

寄答吳江朱鶴齡原韻時方箋詩謬附予詩說

并謝

寒風客舍暗燈檠咫尺難通兩地情吳下未能隨市卒
洛中空復會耆英書來西塞看留字家近東甌苦用兵
何幸傳經千載後說詩還得附匡衡

桐城方孝廉過集草堂值大雷雨即席和韻

高車衝雨過茅堂不數方疇在弋陽柳葉漸長遮曲巷

榴花初發間清觴盤中射覆狂能識海內論交老漸忘
謝汝遠來江漲後相看宛在水中央

送高生佑鉅南還并游會稽和曹侍郎韻

寶鞭不用飾珊瑚去路經秋入畫圖子偉遨遊真漫行
相如車服自閑都銅溪鑄劍看離合石匱藏書問有無
五載風塵京洛士但將洗滌付樵夫

二

桑乾歸渡一車遙客舍重門盡緯蕭機息可曾逢抱甕

談深不必傍叅寥南過建業浮金瀨東去天台渡石橋
前路逢迎知不減羨君意氣本干霄

集河樓同吳陳琰暨門下傅生即席

佳客相逢解芡袍閒堂深燭醉葡萄樓頭鼓瑟風俱遠
座上聞歌興自豪入夜酒啣花氣淺臨流水映竹牕高
深慙十載京華客重見樽前散彩毫

原韻荅方敦四孝廉見贈二首

天涯相隔兩茫茫幸過城東舊草堂高論自揮王子麈

無錢空負阮生囊
交游到處偕三俊
兄弟于今過二方
其難兄為婁江
吏部邵村學士
但惜相逢春漸老
風前柳絮正猖狂

二

一望江關思渺茫
何期相遇賦堂堂
陸機真足稱才海
晁錯誰知是智囊
坐對曠懷能遠俗
學成修士本通方
多君道我狂如舊
却愧清狂未是狂

讀方敦四詩集再用前韻題贈

細雨春江接冥茫
閒尋花落到蓮堂

時寓江寺

漫言得句分

銅鉢真見投詩入錦囊散去碧雲迴上下高飛黃鵠辨

園方謫仙號爾知非妄狂客原來不是狂

賀知章稱李白為謫仙自

客號狂

賦得陶然共醉菊花杯

東堂高會集朱輪籬下風光入座新慢向筵前羅鼎鼐
偶從花裏見經綸歌臺響合元臣舄燭樹光分上客茵
欲把黃金閒汎酒天街已有醉歸人

賜魚恭紀和高陽寶坻益覩三相公三首

龍池千頃接天淵暫敕司廚獻罍釜自是

聖恩能逮物敢言治國類烹鮮牽絲露滴盈車美下箸
香分疊穀妍願向鱸鯊歌式燕多公早著袞衣篇

右高陽韻

二

嘉魚自昔詠依蒲何幸

皇恩下九郭溉釜定能懷北闕釣牀無復問東湖銀絲
鱸就需良燕

玉詔頒來豈細娛猶是青髻與紅鬢相看俱道錦鱗殊

右寶
坻韻

三

水殿風生藕葉舒虞官宣

敕賜王餘依然在藻歌豐芑不用橫汾羨泰初味美勝
傳公子寤恩深敢却相公魚舊時彈鋏懷歸客也向金

門謝起居

右益
都韻

方編修典試四川

七盤再見五丁開便識文星益部來程品自高麟鳳目

名都豈乏馬楊才
夔門賦逐巫雲轉
劍外文從巴字迴
不信十年榛莽後
秋花錦里一時裁

侍班口號

蒼龍初轉震垣東
紫極晨開引上公
趨走班隨三殿後
傳呼聲出百花中
黃鐘遞奏聞天樂
紫氣千重繞

聖躬日侍甘泉曾未頌
敢將詞賦比雕蟲

祝友人初度

閒居十載誦黃庭
曾向天門舞鳳翎
海外神山千仞碧

階前兒竹萬條青
觴啣若下花如組
盤進安期棗似餅
欲掣海鰲何處寄
釣臺高築在東溟

嚴都諫假還有贈

十載風流東省郎
聽鶯暫許沐滄浪
明湖水漲浮丹檻
深院花飛點阜囊
門下近多新薦達
函開猶有舊封章
天池萬頃蓬瀛水
親見丹山翥鳳凰

時長公新
就館選

飲李觀察署亭賦謝和韻

灩澦春江覆楚蓀
雨餘官舍靜開樽
方慚老作平原客

何幸狂登司隸門趙北歌繁來鼓瑟淮南賦在好扶輪
亭前但覺春風發便有花開江上村

雪後閭門舟集同周掌科吳太守陳學士姜京
兆呂四洪烈即席

武丘東上雪初晴載酒還過閭闔城棹起日從雲際豁
牕寒風向水邊生望中山作瑤林色座上人傳兔苑名
歲暮他鄉臨眺晚幾回繫櫂倍含情

擬館課四首

予以制科上卷比之一甲即授館
職不隨庶吉士教習兼課館業偶

集間學李夫子宅命子與令嗣庶常世兄立
賦四題即席起草追刻燭遺事筆不加點愧
世兄詩先成予勉強卒業亦付錄事且謬蒙
鑒賞嗟乎駑馬隨良驥敢言利鈍哉特感深
難忘不敢刪軼并
誌此以紀勝會云

朝賀

有序

南面而臨詠萬國朝正之句東方將啟聽三階呼蹕
之聲瑞闕集鵷鸞班就六蕃位次

聖人衣藻火捧來五色雲中但瞻日馭之多輝願識
天顏之有喜望樺烟而進拜環珮聲聞當爐氣之迴颺

衣冠身惹欲製朝元之引應賡入覲之章

初聞閭闔奏靈璈建禮門通鷄未號簾外兩行排御仗
雲中九列盡仙曹龍文乍啟衣冠合雉尾橫遮星漢高
無數珮環相接武有誰堪繼鳳池毛

召見

有序

夫雲開

睿幄禮重朝瞻日近

天顏恩深陞見故唐主有含元之對漢家傳宣室之文況

堯階四子颺言松棟之間夏后兩龍拜手璿臺之下集
羣賢于蓬觀選吉士于蘭臺光華將啟旦宏開東壁
圖書旃毳已含英堪作北門趨走欲承金馬門邊之
詔當題

玉皇案下之詩未經給筆敢道三長願效賡歌敬陳四韻
九陌含薰曉陞清忻逢綵仗簇延英受書不敢同張說
前席何當召賈生金掌露垂瑤殿迴玉鑪烟繞御階平
聖明多少求賢意欲獻凌雲愧未成

扈從 有序

神堯游洛嘗聞四子相從漢帝之回不藉六軍維衛
九功成而幸慶善父老歡迎四海定而歌大風兒童
起舞況卷阿有召公之誦而蒲津傳宋璟之詩

巡行迴岱嶽自有嘉謨

扈從至甘泉能無獻賦

濯龍西去杏園東羽衛旌旗映碧空秦地山河踰徼外
漢家鐃吹度回中三關雲繞軒營白五時花連帳殿紅

祇愧甘泉叨侍從並無詞賦獻揚雄

宴饗

有序

東觀招賢雲陞有璿珠之瑞西園啟宴仙厨分饌玉
之光在

聖皇以雨膏下逮為歡斯羣臣懷湛露不晞之德況庭
陳百樂龍子啣觴

聖壽千年天星奉酒駕楊舟之在鎬咏蘭秀以橫汾筐
筐咸錫忻承綵芾文章瓜果同頒愧乏赤心投報總

醉飽懷式金之度庶鹽梅以負鼎為功大官能設食
不可無詩古樂有迴波因之作頌

芙蓉雙闕傍雲開淑氣新從籞宿迴金殿曉陳三壽咏
瑤池春上萬年杯酒漿捧出天星釀龍鳳魚成鼎鼎才
藜藿久啜曾未厭當軒何必誦臺萊

子請假南還時舟遇胡循齋少叅赴都對江而
泊以病不晤蒙惠示詩集相憶有年頃過明
湖會于顧侍御庄復蒙見贈和荅江字

南行兩槳泊春江，正值樓船駕繡幢。
風急不聞舵下鼓，日高猶閉水邊牕。
迴思舊事逾三載，每讀新詩對一缸。
西子湖邊侍御宅，逢君恰在石華缸。

二

頻瞻列宿倚天杠，似此才名未易降。
鳳闕書嘗聯陞進，龍文鼎豈異人扛。
鄉游私喜當同澤，舟泊難忘在隔江。
獨耻

聖朝真病廢

時予以病轉假

十年燕市笑尋橦

西河集卷一百八十二

欽定四庫全書

西河集卷一百八十三

翰林院檢討毛奇齡撰

七言律詩^十

奉和乾庵和尚天衣古蹟十詠原韻

西來白馬有誰傳
靈蹟初開東晉年
萬仞遠看浮疊翠
一峰高竟入重玄
坐環絕壑疑無地
行到深林別有天
望斷法華臺畔路
三花寶樹盡生烟

右法

華峰

何處天香雲外飄
高峰斜傍碧天遙
渡溪時逐雲間鶴
伐木長逢山下樵
瑤欄桂枝垂白露
珠壇明月掛青霄
如來金粟當年影
只在西崑古寺腰

右月桂

西崑

疎松澗底漫相撐
畫得飛龍未點睛
但向崑前觀翠積
尋來石上有苔生
春雲度處蒼鱗濕
朝雨迴時偃蓋明
臺畔有人長說法
空林鎮作海濤聲

右松間
積翠臺

塔影重重鎖碧烟道人高坐自談玄
山高何處彈中指
花落如曾袒右肩
架上賜衣長作供
嶺頭開鉢不須牽
若非臨濟當陽在誰遣孤峰與世傳

右水
孟嶺

曾看梧鳳愛朝陽不道空山現佛光
斷壁雲間狸臥穩
牙林日出燕飛忙
琳宮曙啟花俱發
鈴塔春通草亦香
時見老僧來曝背
袈裟影裏坐難忘

右朝陽

秋森雙溪繞寺流蒼然天矯望中收降來鉢底原無著
人在崑前何所求說法有時看露爪聽經無處不回頭
天他五百阿羅漢渡海于今又幾秋

右伏龍坳

孤猿一嘯萬山深今日何由響北岑聽去不忘他日泪
吟來應識舊時心秋清月下驚禪夢夜半霜寒伴梵吟
摘得鷺峰靈蹟在憑欄唱和有知音

靈隱鷺峰有呼猿洞時乾公為靈隱

法嗣
故云

右猿
嘯巖

獨立幽巖幾度春芳年謫下在清宸崇朝細草連衣綠
入暮飛花點鬢新白日虹生疑結伴行雲天半不隨人
多因曾禮如來懺瓔珞紛紛挂滿身

右玉
女峰

崑嶸嘗思瞰大環白雲猶駐舊禪關也知嶺背多岐路
不信淮南是小山千佛幾離春嶂外一門如啟暮烟間

前身子敬因看竹誤向溪邊日往還

右小雲
門嶼

欲上南屏多所思千秋王氣總成悲
載歸瑤海三神藥望去函關百二基
石屢吼當亭午候杜鵑啼徹暮春時
何年著得秦人服野寺蒼茫倚杖追

右望
秦

喬處士壽

丹砂駐顏似芙蓉家住東江第幾重
梁國文章傳彩鳳

相州服食本飛龍人如公紀吳中出花向春申浦口逢

絳就彩弧當漢臘寒梅香汎酒杯濃

五代喬順隱相州服飛龍丹仙去處

士好丹
永故云

贈新娶

梁司馬夫子之孫

都省雙輪控玉羈荷花卷作合歡卮華堂挾瑟彈三調
繡戶張燈掛百枝入魏陳羣還繞膝渡江衛玠早能詩
開元舊賜金錢串散在屏前撒帳時

李副使之任

恒陽憲府自崔魏王節新頒領外臺繡轡近隨河朔啟
赤幢高傍太行開五都碑記封隆烈三輔歌傳皇甫才
却笑朱衣陪後乘蓬山曾汎碧霞杯

副使舊
係同館

送王舍人遷廣平司馬

同趨丹陛惜分攜司馬南行展畫旗趙市尚淹騏驥足
洛河應接鳳凰池刀啣帶珮因家授車障緹油耻世知
舊日退朝相問處春風無限度花枝

高江村詹事暫假還里

暫辭雙闕下蓬萊
白壁黃金莫浪猜
海國自能瞻岱嶽
帝心不用感風雷
谷中鸚鵡眠方穩
洞口牆薇花正開
只恐恩深饒眷戀
浙潮一日兩滌洄

姜京兆七十

少壯提攜每及肩
何期垂老共歸田
長因親在娛良日
最憶君曾使奉天
焚草只愁聞向外
啣盃不覺感從前
黃門五十為京兆
詘指于今又廿年

同朝士餞益都夫子于萬柳堂即席和夫子留

卷一百八十三

別原韻

元老功德邁三楊七十歸田髻未霜誼切及門通飲餞
感深馳驛賜還鄉集賢庄上歌猶發履道坊南柳正長
渺渺鴻飛方信宿便令人誦衮衣章

二

十年政府喜投閒載酒平泉草自刪蘸壁題詩酬去志
滿堂拂舞帶離顏歸時欲臥花間轍醉後難忘檻外山
他日籃輿尋問處散金臺在太湖灣

寄還一和尚大能仁寺

遙望嚴城隔翠微
靈山自昔會來稀
堂開講席龍初下
門傍閒田鳥自飛
跼足頻穿三寶地
閑身不掛七條衣
從他法臘年年換
何日相逢話息機

耿使君赴任蔚州

百里真城繕塞才
攜琴西上李陵臺
州城版峻連雲起
亭長車迎自代來
官道畫烏通射犇
民田牧馬當鋤萊
漢庭多少安邊策
只有雲中魏尚能

蘇州魯司馬赴京口造下海軍船遇于秦淮有

贈

平江司馬舊才賢北府今看借箸年
早歲賦詩驚漢苑
清秋對酒在秦川
題與名著留雲閣
將作功垂下瀨船
他日緹油看賜去
相逢重詠桑篇

沈舉人飲次兼示其令嗣新赴公車

初從闕下請長纓
對策金門久未成
阮籍近為馬乳醉
趙宗真見鳳毛生
青絲到處調銀埒
白雪飛來點玉罍

他日慈恩留飲處好同令嗣一書名

奉祝李少司農夫子生日

正月下浣日 時家
製一屏之詩立命賦

一十二首署京朝官名此
祇八首餘四首見第七卷

集賢學士本龍從晉秩司元佐上公周室冢臣兼會計
漢家相業起關中生當白鳳翔天半歲見蒼龍轉亢東
少小鯉庭能嗣烈宮袍裁作綵衣紅

二

文昌都省動星躔誰似中行副相賢體國自饒登版計

肥家不用度支錢代傳蓬觀文彌著部有天倉忝自填
祇恐隱之清太甚空庭設矢坐無羶

三

徒言治粟阜人民猶藉叅知作稼臣蘭省尚傳左史貴
蓬屏轉見侍郎貧升賢內府材無敵生甫中原嶽有神
勿道李常無吏事清安端屬掌邦人

四

追趨鳳閣喜多年早領司庾典國泉紅廩獨稽天府外

黑頭叅坐考堂前
鑒公能度均輸議
操潔曾無入獻錢
夙昔長庚雖感夢
秋星啟曜在春先

五

槐堂接武重人宗
況復司徒即大農
懷遠入官殊簡率
深之計地甚從容
招賢譽起燕臺駿
有子名如荀氏龍
問齒不疑纔服政
含元鏡下對芙蓉

六

三行先後總無端
祇覺相隨畫省寬
元月帝堇連歲發

百年仙李共根蟠六符未敢遮奎曜五教由來仰地官
况復在庭饒儲峙瓊林十庫總琅玕

七

才名廿載動

楓宸公府嘗聯丞相茵十日春生千日酒一年花判百
年身通明自料常平粟節儉方辭月進銀五十公孫曾

未貴何須開閣話平津

公年五十

八

黃柑獻罷上元卮
栢子觴傳初度遲
此日孟郊纔得第
笑他常侍始為詩
身稽版服恢龍馭
世掌絲綸接鳳池
祇惜泉刀通九府
不令食指染銖鉞

胡御史巡鹽河東

直指風清嶽色寒
西行捧節重臺端
登朝喜接鵷鸞序
開府重瞻獬豸冠
筆下準繩追李勉
論成鹽鐵問桓寬
上林多少棲烏地
總藉還臺振羽翰

雲門徐武靜五十

南國才名嘆爾豪高門猶記舊西曹雲間少弟推龍躍
其難兄閻公孝
廉在前朝有名洛下諸生探鳳毛結客酒淹珠履細藏
書花映玉臺高相逢詘指狂歌地五十年來一紵袍

為婦和黃皆令

吳門閨秀

除夕詠雪見貽用東坡原

韻

怕向寒風捲畫簾多君猶自傍朱檐不將粉絮粧眉牕
但見冰花落指尖夾岸似張雲母幃辛盤空貯水晶鹽
無才終讓劉臻婦羞把丹椒歲歲添

王封君初度

華燭當筵奏八瓊仙人海上獻仙桃
春還碧嶠雲膏滿晚讀黃庭興自豪
雛鳳舞從庭下轉少微星傍越來高
遙知名列丹臺久日擁花前白帟袍

二

鳳毛麟角世相仍名德高門事可憑
發策早時開綠字傳經當日憶青燈
階前親種三珠樹手內常拖萬歲藤
為望南雲瞻紫氣且將歌管祝升恒

寄贈西安鹿明府

明府諱祐
潁州人

琴臺高踞漢新安之子才名冠潁川官舍栽花逾掣錦

仙山收橘當租錢人間放棹迎春後客至開衙返照前

只愧趨庭真駕下驅車仍負九方甄

時十嗣兒鄉舉以
第二人出公門下

適會試下
第故云

沈母壽

萱樹高堂錦瑟張綵雲深處進霞觴嘗來鯉膾遺羹美
翦出荷衣舞袖香夜月焰成瑤海白秋風吹發桂枝黃

曾隨製錦陽山曲親見仙人坐五羊

夫人為陽山令德配子新舉鄉試

宮允鄭幾庭前輩將赴都值其初度有贈

圖書遙映日華東萬仞龍門啟上官史擷一編傳寶歷
名同三俊重元豐東堂

詔下宣麻紫南極星明照字紅何幸閩江相隔久還隨
杖履問崆峒

王兵部南使有贈

鳳書初下紫泥新喜見西曹簡近臣宮路遠迴銀瓮暖

樞臺高賜錦袍春南交盡洗蠻方漳北望曾驅塞外塵
共廁鵷班有幾度今來看欲盡麒麟

祝詩

東望蓬山憶故家清秋常擬汎仙槎蒼松偃作千秋蓋
叢桂香生八月花金匱探書成綠字銅盤注酒沃丹砂
山公四十方為簿況有鴻文薄綵霞

贈王令

平陵出宰本賢豪河上曾推舊法曹市集沙頭行部遠

城環山半閉門高當廳碧柳春前種近紫朱絃手內操
莫怪上公虛席久君家原有呂虔刀

文都司生日冊子

清秋列宿啟文昌熠熠南弧在建康自昔分藩推鄧禹
于今開府遇文鶩青雲并繞營前榮黃石曾傳肘後方
他日功成攜手處漢壇高碣已蒼蒼

權使君飲次

鵲袍屢賜待旬宣裕國何須更算緡書勝桓寬為論日

人如劉晏入官年重逢螺女洲邊月曾汎菱湖雨後船
官舍薰風相對晚管教沉醉荔枝前

徐司寇壽

蓬矢初開竺澤濱

時以纂修總裁開館于太湖之傍

從來東國藉人倫

巖扉高貯盤中酒林屋分居門下人
史局鎮教添半臂聖恩未許乞閒身
蹲前多少經綸事莫向秋風理釣緡

壽福州王使君

秉刺分符捍國憂專城猶是舊諸侯
冰壺坐對仙山曉

明鏡長懸螺女秋種柳閒如辛仲甫著書高比杜荊州
不知太守年多少試看蓬萊天際流

高江村宮詹初度寄書幃子以贈

北門學士苑西居偶住當湖傍釣車立簾手編新種竹
閉門閒訂舊朝書

聞輯遼金元
三史故云

庭懸綵簾隨年轉酒汎

黃花帶露攄記得

內廷當此節

君王長賜御前魚

棟亭詩和荔軒曹使君作

有序

曹使君典織署其尊人舊任時手植棟樹蔽芾成陰
使君因慨然登亭而歌屬予和之

冬官相繼使江鄉父子同披錦繡裳官閣依然梅樹在
丹陽重見柳條長牆西紫朶迎朝雨苑角紅亭對夕陽
每遇晚春花信滿風前涕洟一啣觴

二

當年開府近長干親見栽花傍井幹但過唐昌思玉蕊

再來舉院見文官

唐貢士舉院花名

歌成蔽芾恩長在認作栢

樓汨未乾滿樹離離初結子到今都是鳳凰餐

莊子鳳凰非鯨

實不食鯨即棟也

贈陳太士

并序

予已未

召試右臂瘍發會太士以長桑騰術遨遊京師藉甚諸

王貴人間折刀圭贈予立效既而予入館太士謁選

得吳興司教去兩地相憶寄書道餐飯者十甚熟矣

今年春太士已拂衣理長桑舊術相見于明湖之濱
握手道故夫以太士之才致身通顯直咄嗟間事且
月且藝林甲乙諸文士致足愉快乃猶沾沾以利人
為念嗟乎稚川元化豈尋常自好者耶相對感激率
題四詩所謂東知我者不必定贈元使君也

曾趨日下會

天安贈我仙人藥一丸抱璞不為勾漏長鄭虔忽作廣
文官酒分簪下雞缸遠書寄蒼山鳥路寒百尺選樓長

在望年來月旦有誰干

朝野食載柳亭製白雞盞取其
迅速時長安尚成化雞缸取以

為贈長興有

鳥山蒼雲嶺

二

相思十載隔菰蘆老去重逢在聖湖愧我歸田纔負耒
憐君過市尚懸壺戴憑疊席支雲臥司業贏錢付酒酤
半世才名仍護伏可知高論勝潛夫

三

西廳典教重宮牆並道前身擬太倉邀去座中皆白恰

繫來肘後是青囊研經不讓蘇湖學奇疾曾醫濟北王
驛舍相看裁咫尺當年此地遇長桑

四

領袖羣儒年復年昇山人重右師賢槐廳自鑿蘇耽井
藥地長鋪子敬種晚歲校書羞待詔方春種樹當收錢
南湖築室尋常事何日相期鑑水邊

行過道山弔范制府作

官亭彌望草萋萋為弔忠寬路轉迷蘇武不曾降塞外

魯公終自死淮西孤臣殉國心如石

天子旌門手自題試看遺骸留瘞處豐碑直與道山齊

早入虎跑寺用蘇子瞻舊題原韻

滿塢朝烟儼散香法幢開處石流涼巖垂蓮片支雲遠
塔轉松陰入路長佛閣畫圖分四壁山厨筍蕨供諸方
當年野虎閒跑處留得清泉與世嘗

二


深林行過麝臍香叅遍諸天趁早涼筧水續流春後淺

幡竿倒影暮來長

時薄暮方歸

閒僧不作休糧術過客時傳

捨藥方行憶舊朝風物改百年灰劫有何嘗



西河集卷一百八十三